

# مخبر

افزونی ، اجتماعی ، فلسفی ، تاریخی ، ادبی مجموعه ده  
شیدیلک اون بش کونده نشر اولونور

## مدرجات :

۳۵	فلسفه نشریاتنده برترقی خطوه سی	« مصاحبه »	محمد امین
۳۷	ابن تیمیه	« تاریخی »	شرف الدین
۳۸	شهاب الدین سهروردی	« فلسفی »	یوسف ضیا
۳۷	بیلد نزره قدر	« ادبی »	علیمی ضیا
۳۸	مثل اعلا	« کلامی »	شرف الدین
۳۹	قیرغیز وقازاقلر	« اتنوگرافی »	رفعت
۴۰	بروسه شهری	« جغرافی »	محمد شرف
۴۱	حی بن یقظای	« رومان »	ابو طفیل
۴۰	غزل	« شعر »	محمد صدیقی
۴۲	صیرچه سرای	« شعر »	حسن عالی
۴۱	ذلیخا	« شعر »	عابد
۴۲	ماضی	« شعر »	اسماعیل نامی

## قومی: قیرغیز - قازاقلر

قازاقلر، اون بشنجی عصرده، شیمدیکی «آق مولا» ولایتده ظهور ایدرک «بالقاش کولی» ایله «اسصیق کول آراسنده بولونان صحراده برلشمشردی. بو واسع اراضی بونلردن اول جنکیز خانک طورونی «اوردا ایچین» ک زیر اداره بولونیور. و «آق اوردا خانلی» نامنی طاشیوردی. اسکیدنبری قیرغیز، نایمان، قاکلی، قاپچاق، قارلوق، میرکت، دولات ناملرینی طاشییان قیبله لره داها کوچوک قیبله لر بو خانلنک زیر اداره سنده کی اراضیده اوطوریورلردی.

بو قیبله لر دائماً قیرلرده جولان ایدوب یاشامقده وسواری اولارق کز مکده اولدقلرندن هپسینه بردن قیرغیز قازاق [۱] نامی ویرلدی و آرالرنده نه انفراد نه ده تفرد حسلری بولونمادیغندن بیوک بر کتله وباشلیجه بر قوم اولارق برلشدیلر وبالقاش کولندن شمال غربییه دوغری اوزانهرق توسع واورال شهرینه قدر امتداد ایدن اراضی بی تحت اداره لرینه المشر و بیوک بر خانلق وجوده کتیرمشلردی.

اون سکیزنجی عصره قدر دوام ایدن بو وضعیت یاواش یاواش که وشه مکه ونهایت قیرغیزلرک «اولوغ بوز»، «اورته بوز»، «کچی بوز» اسملریله اوچ شعبه یه آیرله سنه سبب اولمشدی بونلر آری آری اداره لر تأسیس ایدرک «سیمی» «یدی صو» ولایتلری اولوغ بوزه «آق مولا» اورته بوزه «صیردریا»، «حزار»، «طورغای» ولایتلری کچی بوزه قالمشدی. «اورال»، «وولغا» و بحر حزر اطرافده ساکن قیرغیز قازاقلرده «ایچ اوردا» یا خود «خان اورداس» نامی ویریلردی.

کچی یوزینک صوک خانی «ابوالخیر خان» ۱۷۳۰ سنه سنده کندی اختیاریه روسیه حکومتنه تابع اولدیغی کبی اورته بوز ۱۷۸۷ ده «آبلای خان» زماننده، اولوغ بوز ایسه ۱۸۱۹ ده «سلطان سه یوق خان» زماننده روسیه نک زیر اداره سنه کیرمک مجبوریتده قالدیلر.

قیرغیز قازاقلر شیمدییه قدر ملیتی، عنعنه لرینی کمال اعتنا واهتمامله محافظه ایتدیلر لسانلری خالص وغایت زنکین تورکجه در. افاده مراسم خصوصنده اصلا کوچک چکمزلر اک مغلق فکرلری افاده ایده بیله جک مجرد کله لره مالکدرلر. برده چوق اورژنیال

[۱] روسلر سواری عسکرلرینه قازاق نامنی بونلرک بینیجیلکرنندن استماره ایتشر و بونام تعم

اولارق قيدايدەلم كە بونلرك سوزلرى على الا كثر سجع وفاقية ايله مزيندر. شعره فوق العاده استعدادلرى وهوسلرى واردر حكايله لر، افسانه لر ماصالدر، بيلمجه لر ا كثر يتله منظومدر. آرالرنده ( اوله كچى = شاعر ) ( جروجى = مداح ) ( باقىسى = كاهن ) لر بيوك پرنفوزه مالكدرلر . بونلر ، طبقى اجداديمز كى ( او ) تعبير ايتدكلىرى كچه دن چاديرلرده اوطورورلر باشليجه سوت ويغورت ، قيميزوات ايله تعيش ايدرلر . غايت قناعتكار، جسور، متحمل و غايت مسافر پروردلر .

علمه و علمايه فوق العاده حرمتكاردلر . بر خواجه ، معلم ويا طلبه كنديلرينه مسافر كلديكى زمان بن مسافر ايدە جكم ديه مجادله ايدرلر . بعضاً بر معلمى پايلاشمق مسئله سنده ايكي قبيله آراسنده اوزون اختلافلر و منازعه لر تحدث ايدر بوكا رغماً آلآن يوزده دو قسان بشى اميدر . او قور يازانلر ايچنده اولدجه عالم پك آذرر . بونكله برابر اورالرده دولاشان سورولرله ميسيونرلره قارشى متانتلرني محافظه ايتمشلر و ميسيونرلر ك فعاليتنى ثمره سز بر اقمشلردر . اسكى چار حكومتى انتشار معارفه مانع اولديغى كى آيروجه بوصاف تورك كتله سنى روسلاشديرمغه چاليشردى و حتى روس چارى رسماً بونلرك مسلمان اوليوب شامانى اولدقلىرى اعلان ايتمش و ينه ثمره سز قالمشدى . بونلرك بتون بو هجوملره مقاومت ايتمه لر ينك سىرى سجيهرنده و متانتلرنده در . بوكون آلتي ميليونه قريب تخمين ايديلن بوتوركلر ينه تامايله حيات عرفاندن محروم و بر چوق مهالكه معروضدرلر .

توركستانلى : رفعت

### جغرافى :

#### بروسه شهرى .

حالا ، مملكتمزك يكي تخرير نفوسى يايلىمديغندن بروسه نك حقيقى مقدار نفوسى معلوم دكلدر . صوك بيللرده استيلا ، استخلاص كى بر جوق انقلاب و وقايه ضحنه اولدى . مثبت ، منفى مهاجرتلره نفوس ، مد و جذر كى دالغالاندى . فقط صوك دفعه خرسيتيان عناصر ، يونان اردوسيله برابر قاچدقلىرىدن ا كثر بى فرانسز اولمق اوزره جزئى اجنيدن ماعدا ، شهرده ۵۵ - ۶۵ بيك كيشى تخمين ايتك مبالغه اولماز .

حوالى تورك لر ينك آز بر قسمى كوچه يعنى چوبان حياتى كچيرمكده در . بونلرك اك معروفى ارطوغرول سانجاغى داخانده چاديرده ياشايان قره كچىلى عشيرتى در . قره